



COMUNU DE SABARUSSA
Provìntzia de Aristanis
SERVÌTZIU ISTRUTZIONI PÙBLICA

**BANDU PÙBLICU PO ASSINNAI BURSAS DE STÙDIU PO MINESCIMENTU
ANNU SCOLÀSTICU 2019/2020.**

Su Responsàbili de su Servìtziu

Ponendi in pràtica sa detèrmina sua n. 318 de su 24.11.2020 pigada cunforma a su chi at deliberau sa Giunta Comunale cun àutu n. 84 de su 16.11.2020;

FAIT SCIRI

Ca s'est bandida una procedura po assinnai bursas de stùdiu po minescimentu scolàsticu a studentis residenti in Sabarussa

ART.1

Is bursas de stùdiu istituidas funt destinadas a studentis cun sa residèntzia in Sabarussa cun custos requisitus:

- A) fai parti de una famiglia cun rèditu ISEE chi non sartat is € 25.500,00;
- B) a ddu minesci, cunforma a su profetu scolàsticu;

ART. 2

Una borta publicau su Bandu e intregadas is dimandas, s'ant a sterri duas graduatòrias a parti, una po is studentis chi ant frequentau sa scola secundària de 1^u gradu e s'àtera po is studentis chi ant frequentau sa scola secundària de 2^u gradu;

Totu su puntègiu s'at a carculai aciungendi apari:

- su puntègiu de sa mèdia matemàtica tenta cunsiderendi sa valutazioni a cadauna matèria, **foras de** de s'imparu de sa religioni catòlica e de su votu de cundota/cumportamentu;

Ant a teni deretu a is bursas de stùdiu is studentis chi ant a teni totu is requisitus e chi ant a essi postus beni in graduatòria.

De su tanti postu a disponimentu a cadauna graduatòria a primitziu s'ant a scorporai custos tantis:

- € 50,00 de assinnai in aciunta, comenti a prèmiu po ddu minesci, a cadaunu studenti chi at tentu sa votazioni de acabbu paris a 10/10 in totu o votazioni paris;
- € 100,00 de assinnai in aciunta, comenti a prèmiu po ddu minesci, a cadaunu studenti chi at tentu sa votazioni de acabbu paris a 10/10 in totu e lodi o votazioni paris;

Acontessendi, po su nùmeru de beneficiàrius, de carculai bursas de stùdiu prus bàscias de su lìmiti postu de € 120,00 po is studentis de is scolas secundàrias de 1^u gradu e de € 180,00 po is studentis de is scolas secundàrias 2^u gradu, cussa etotu at a essi cifra agualis po totus.

Acontessendi, invècias po nùmeru bàsciu de beneficiàrius, apustis de ai assegurau su tanti prus bàsciu a totus paris a € 120,00 po is studentis de is scolas secundàrias de 1^u gradu e de € 180,00 po is studentis de is scolas secundàrias de 2^u gradu, de ndi abarraì unu tanti custu s'at a spartziri inderetura in modu proportzionali a sa valutazioni pigada intra de is studentis chi ant sartau sa valutazioni de 8,5/10;

Sa spartzidura de su tanti s'at a fai aprichendi custu critèriu chi si portat a esempru:

tanti a disponimentu: **€ 2800,00 (nisciunu studentis cun 10 o 10 e lodi).**

beneficiàrius cun una valutazioni paris o chi sartat is 7,5/10: **nùmeru 12.**

bursa de stùdiu prus bàscia assegurada a cadaunu studentis: **€ 180.**

Su tanti abarrau de € 640 s'at a assinnai in modu prioportzionali a sa valutazioni tenta intra de is studentis chi apant sartau sa valutazioni de 8,5/10.

sa bursa de stùdiu assinnada no at a podi essi prus manna de:

- **€ 250,00 a cadaunu studentis de is scolas secundàrias de 2^u gradu.**
- **€ 150,00 a cadaunu studentis de is scolas secundàrias de 1^u gradu.**

Acontessendi assinnamentus de prèmius po minescimentu, po is studentis chi apant pigau una valutazioni paris a 10/10, 10/10 e lodi o valutazione paris, cussus non pigant parti a su càrculu de su tanti prus artu inditau asuba.

ART. 3

S'ant a amiti a pigai parti a s'assinnamentu de is bursas de stùdiu is studentis:

- a) Chi a s'ora de intregai dimanda funt residenti in su Comunu de Sabarussa:
- b) Chi faint parti de nucleu familiari cun rèditu ISEE, po s'annu prima, chi non sartat is **€ 25.500,00;**
- c) Chi in s'annu scolàsticu in chistioni apant frequentau sa scola pùblica secundària de 1^u gradu, e finas is scolas paritàrias, is conservatòrius musicalis, is liceus artisticus e is istitutus professionalis, **lassendi foras is cursus professionalis e is cursus a su merii po traballadoris**, e apant tentu una votazioni de acabbu;
 - Non prus bàscia de **8/10**, po is studentis de is scolas secundàrias de 1^u gradu,
 - Non prus bàscias de **7,5 /10, senà de dèpidus formativus** po is studentis de is scolas secundàrias de 2^u gradu e non prus bàscias de 75/100 po is diplomaus o chi ant pigau sa califica;
- d) chi **non** gosant po su matessi annu scolàsticu de àterus assènnius de stùdiu o bursas de stùdiu chi s'Istadu o àterus Entis Pùblicus ant cuncèdiu; candu est aici su studentis podit sceberai;

- e) chi siant iscritus comenti si depit e chi frequentant sa classi afatanti in s'annu scolàsticu a s'ora de su bandu, lassendi foras is studentis chi apant tentu su diploma de maturidadi in una scola segundària de 2^u gradu comenti inditau asuba;

Non s'ant a amiti a pigai parti is studentis:

- 1- chi in s'annu scolàsticu in chistioni funt torrendi a fai sa classi;
- 2- chi fadendi is stùdius apant torrau a fai classis prus de duas bortas;
- 3- chi non resurtat iscritu e frequentendi sa classi afatanti po s'annu scolàsticu a s'ora de su bandu;
- 4- chi resurtat iscritu a unu cursu professionali;
- 5- chi apat frequentau unu cursu a su merii po traballadoris;
- 6- chi fait parti de unu nùcleu familiari cun rèditu ISSE chi sartat is € 25.500,00.

ART. 4

1) Su Comune, giuendi-sì de sa normativa in vigori at a podi fai, a campioni, berificas asuba de is decraratzionis chi ant lassau is interessaus;

2) No ant a podi pigai parti a is bandus afatantis po totu cantu andant is stùdius, is studentis chi po gosai de is beneficius in chistioni, ant a intregai decraratzionis chi non funt beras, cosa sua e de is familiaris e ant a depi torrai acoa duas bortas tanti su dinai arriciu.

ART. 5

Sa publicidadi s'at a fai cun sa publicatzioni de custu bandu in su giassu de su Comune in s'arretza.

ART. 6

Is studentis chi tenint is rechisius inditaus asuba chi bolint pigai parti a s'assinnamentu de is bursas de stùdiu ant a depi intregai dimanda aintru de s'ora de is **6,00 de merii de su 14 de su mesi de idas de su 2020** in modellu aposta a disponimentu:

1. in su Comune – Ufitziu Istruzioni Pùblica – me in is oras de abertura a su pùblicu. Ddu at a depi cumpilai in totu is partis e firmai su studenti, o su chi tenit sa responsabilitadi de genidori o tutela candu est minorenni. Custa istàntzia s'at a podi intregai inderetura a manu a s'ufitziu protocollu de su Comune o mandai a posta cun arracumandada A/R, abarrendi firmu ca su Comune no at a torrai sceda de faddinas postalis, o a s'indiriztu pec: protocollo@pec.comune.solarussa.or.it o a s'indiriztu de posta eletrònica: protocollo@comune.solarussa.or.it;
2. scarrighendi-ddu de su giassu:<http://www.comune.solarussa.or.it>

Sa dii ùrtima inditada po intregai is dimandas est **tèrmini perentòriu** pena su de abarrai a foras.

ART.7

Responsàbili de custu procedimentu est Dot.ssa Alessandra Enna tel. 0783/378212.

SCADÈNTZIA A S'ORA DE IS 6,00 DE MERII DE SU 14 DE SU MESI DE IDAS DE SU 2020

Su Responsàbili de su Servìtziu

f.au Dot. Marco Casula